

**Naalakkersuisut Kommune Qeqertalimmi aamma Avannaata Kommuniani campusimik pilersitsinissaq siunertaralugu suliniutit aallartinneqassanersut misissueqqullugit peqquneqarnissaannik Inatsisartunut aalajangiiffisassatut siunnersuut. Misissuinerimi ilaatigut qulaajarneqassapput, Aasianni GUX-ip pitsaasussaanut aammalu tiguneqarnissamut toqqammavigisat allannguutaanngitsumik, Ilulissani GUX-imik pilersitsinissamut suliniutit pisariaqartut. Misissuineq juli 2022 naatinnagu saqqummiunneqassaaq**

(Inatsisartunut ilaasortaq Doris Jakobsen Jensen, Siumut)

aamma

**Nuna tamakkerlugu Aasianni inuussutissarsiornermik ilinniartillortoqassappat pittaqaqaanik ajoqutaanillu nassuiaammik UPA2023-mi saqqummiuseqqullugit Naalakkersuisut peqquneqarnissaannik Inatsisartut aalajangiiffisassatut siunnersuut. Naalakkersuisut nalunaarusiornerminni ilinniartitaanerup iluani inuussutissarsiornermik ilinniartimmik nutaaliorfiusumik nutaamik sanasoqarnissaanut pisariaqartitsisoqarnera eqqarsaatigissavaat.**

(Inatsisartunut ilaasortaq Kristian Jeremiassen, Inuit Ataqatigiit)

### **Akissuteqaat**

(Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

### **Aappassaaneerpeqarnera**

Naalakkersuisut aallaqqaasiutitut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap sulilluarneranut kiisalu siunnersuutit marluk pillugit isumaliutissiisummut saqqummiusnaanut qutsavigerusuppaat.

Naalakkersuisut ilanngullugu Ataatsimiititaliaq qutsavigerusuppaat siunnersuutitut allannguutissatut siunnersuummut saqqummiussaanut. Allannguutissatut siunnersuutit, siunnersuutitut taakkununga assingusut, Kommune Qeqertalimmi aamma Avannaata Kommuniani ilinniarnissamut pisariaqartitsinermut kiisalu taakkuninnga piviusunngortitsinissamut periarfissanik ukkatarinnipput. Ataatsimiititaliap allannguutissatut siunnersuutini siunnersuutit taakku marluk siunertaat ataatsimut aaqqissuunniarsimavaat, tamanna Naalakkersuisut aamma siunertamut tulluurtutut isigaat.

Naalakkersuisut qulakkeerniarpaat, isumaliutissiisuutit kissaatillu assigiinngitsut, ataatsimiititaliap isumaliutissiisummi misissuinerimi ilaasariaqartutut tikkuugaat, misissuinerimut suliassap nassuiarnerani ilanngunneqassasut.

Ataatsimiititaliap isumaliutissiisummi Naalakkersuisunut inassuteqarpoq, pingaartumik Kommune Qeqertalimmi aamma Avannaata Kommuniani suliffeqarfeqarfimmi pisariaqartitanik immaqalu ilinniakkanik allanik siunnersuuteqartunit taaneqartunik allamut

siunnerfeqarsinnaasunik eqqartuineq pillugu. Naalakkersuisut misissuineq sioqqukkusunnigilaat, misissuinerup aallartinnginnerani pissutsit taakku qanimut nassuiaavigalugit, qulakkeerusulluguli, misissuinermi pissutsit aamma taakku ukkatarineqarnissaat.

Ataatsimiititaliattaq Naalakkersuisunut innersuussutigaat, inuussutissarsiutitigut ilinniakkanik kiisalu suliffeqarfeqarfimmi inuussutissarsiormilu ineriartormut taakkununnga attuumassuteqartunut tunngasunik, sammisanik suliaqarnissamut siunnersuisoqatigiinnik imaluunniit ataatsimiititaliamik pilersitsinissamut attuumassuteqartunik eqqarsaatnik aallaaviusunik qanimut nassuiaasoqassasoq, Naalakkersuisut siunnersuisoqatigiinnik imaluunniit ataatsimiititaliamik taamaattunik pilersitsisoqarnissaa kissaatigalugu oqaatiginikummassuk. Naalakkersuisut tamanna pillugu naatsumik oqaatigissavaa, siunnersuisoqatigiinnik imaluunniit ataatsimiititaliamik taama ittumik pilersitsinerup misissuinermi kommuninik imaluunniit suliffeqarfinnik attuumassuteqartunik peqataatsinissaq, ataatsimiititaliap allannguutissatut siunnersuutini ersarissumik kissaatigisaat qulakkeerinneqataaffigisinnaammagu. Ilinniartitaanermik pilersaarusernerup suliffeqarfeqarfiup pisariaqartitsinera pillugu atassuserneqarnissaata pisariaqassusaanik ataatsimiititaliap tikkuaanera attuumassuteqarlunnarpoq, kommuninut taakkununnga marlunnut atatillugu, aammali isiginnittaatsimit siammasinnerusumit.

Naalakkersuisut misissuinnissamut tamatumalu inernerisassaanut pitsaasumik naatsorsuuteqarput, misissuinerullu Inatsisartunut saqqummiunnissaa qilanaaralugu.

Naalakkersuisuttaaq sulinissaq, aalajangiiffigisassatut siunnersuutit taakku marluk malittaralugit suliamit pilersussaq maannakkut ilinniarfeqarfimmi nuna tamakkerlugu periusissianik pilersaarutinillu suliaqarnermut ilanngunniarpaat, taamaasilluni siunissami aamma ilinniarfeqarfimmi ataqatigiissumik pilersaarusiortoqassammat. Tamanna aningaasaqarnikkut pilersaarusernermut atatillugu kiisalu pisariaqartitsinernik paasiniaanermut kingornalu ilinniartut inaannut aningaasaliinissanut atatillugu ataqatigiissitsinissamik qulakkeerininnissamut suliami qitiullunnarpoq.

Taama naatsumik oqaaseqaateqarnikkut Naalakkersuisut allannguutissatut siunnersuutit akuersissutigineqassasut inassutigaaat.